

國立中央研究院歷史語言研究所專刊之二十九
岑仲勉 撰

元和姓纂四校記

二

商務印書館發行

國立中央研究院歷史語言研究所專刊之二十九
岑仲勉撰

元和姓纂四校記

二

商務印書館發行

元和姓纂四校記

卷四 其下庫本注云，「上平聲殷韻至山韻。」

二十一欣

殷

二十四代三十四王 備要一五、類稿一二均引作二十二代，四十四王。

陳郡長平縣 魏有襄 寰宇記九，「晉殷襄字元祚，爲滎陽令，」當卽其人，唯稱晉而不稱魏。

生不害不占不佞 周高祖從陳之請，放殷不害、王克等南還，見周書四一、庾信傳。

開山姪元嗣文州刺史 元龜八六三，「唐殷元，吏部尚書嶠弟之子，嶠無子，以元嗣，」按嶠卽開山之名，依元龜，則

開山之姪名元，而嗣爲承嗣之嗣，非其人名元嗣，但元嗣墓誌，貞觀二十一年立，見金石錄三。

開山堂姪祚部尚書 祚下勞考云，「原有脫字，」庫本作刑。祚所書撰之碑，有道感法師塔銘，萬歲通天二年立。長

安四年，巡察使殷祚奏置黎州，見寰宇記七七。萬歲通天元年葬之契苾明碑，題「左肅政御史殷玄祚書，」當卽

其人。

堂姪日用宣歙州觀察御史中丞 全文三一六、李華衢州刺史廳壁記，元年建寅月作，稱蘇州刺史陳郡殷公繼典。

此邦，當是日用；又三一八、同人台人乾元國清寺碑（乾元後作）稱今刺史陳郡殷公日用。會稽掇英，唐太守題名記，「殷日用，自蘇州刺史授，充觀察團練使，不之任。」州字可衍。

不占孫聞禮 魯公文集一一、殷踐猷墓碣云，君諱踐猷，字伯起，陳郡長平人，五代祖不害，高祖英童，曾祖聞禮，祖令言，父子敬，今姓纂不害別爲一支，而稱聞禮爲不占之孫，意不占中絕而由不害之後繼之歟。舊書七三、武德中，聞禮奉詔修魏史；又武德五年任著作郎，見會要六三。

太子中書舍人 勞考一五云，「原衍書字，」按魯公集一〇、舊書五八均稱太子中舍人，惟魯公集一一亦誤太子中書舍人，舊書四四、太子右春坊有中舍人二人也。歷代名畫記九、殷令名下一條云，「殷聞禮，字大端，書畫妙過於父，武德初爲中書舍人，趙王友兼侍讀，弘文館學士，」似誤以聞禮爲令名子，因下一條又云「聞禮子仲容」也，中書之書字亦衍。

令名金部郎中國子司業 令名嘗任太子少詹事，見長安志九。裴鏡民碑，貞觀十一年立，稱行金部員外郎。全文一五二、顯慶三年尉遲恭碑，稱光祿少卿。山右石刻四云，「按令名，唐書無傳，……畫家傳云，陳司農卿不害子，……法書要錄又云，令名，開山子，考陳書孝行傳，殷不害子僧首，弟不佞子梵童，唐書殷嶠傳，父僧首，是開山爲不害之孫，又云從祖弟聞禮有文學，子仲容亦有名，是仲容爲聞禮之子，開山之猶子，不佞之曾孫，聞禮或卽令名，唐人多以字行，亦未可知，然決非開山之子，與不害相去更遠矣，」余按舊書，子仲容乃孫仲容之訛，令名世系，姓纂記之至晰，胡氏特未檢此書，故勞如許辨論，疑聞禮爲令名，尤誤。

生容冬官郎中 此卽唐碑上有名之殷仲容也。舊書五八、開禮子仲容，官至中州刺史，余按新書一九七稱殷踐猷爲不害五世從孫，其從父仲容，終冬官郎中，與姓纂合，舊書以爲開禮子，誤也，子當孫之訛。全文四四七、竇臬述書賦下注云，「殷仲容，陳郡人，不害之孫，令名之子，……官至禮部郎中，」之孫當作之玄孫，否則孫字應爲廣義之裔孫解，然與顏文以開禮一支爲不害後者則同也。顏殷世結朱陳，於其先世，似不至誤，而據山右石刻所引證，（見上文）開山亦明是不害之後。歷代名畫記九，「殷令名，陳郡人，父不害，」蓋承述書賦而訛，又云，「開禮子仲容，天后任太僕、祕書丞、工部郎中、中州刺史，」亦誤祖孫爲父子。

容生丞業 新書一九九作承業，承字往往作丞，前文已見之。承業，開元初任祕書丞，見會要六四。全文三〇九、孫述制，朝議大夫宗正少卿殷承業可太子左諭德。

令德曾孫嘉紹工書 令德，右清道率，見魯公集一〇，嘉紹，武康丞，工小篆，父履直。

嘉紹再從弟佐明倉部郎中 黃本驥云，殷佐明官正字。（約大歷八年，見魯公集一二。）太白集八、酬殷明佐見贈五雲裘歌，繆本佐明，是也。

令言孫踐猷 開元九年，編經庫書，見會要三六。嘗官曹州司法，見舊書一〇二。全文五〇三、權德輿叔父華州司法誌，「夫人陳郡殷氏，皇曹州司法，麗政殿學士踐猷之孫。」

生寅永寧尉 寅著姓略，見魯公集八勤禮碑，（乾元二年）仕爲永寧尉，見同集九、幼輿碑，貶澄城丞，見同集一一、踐猷碑。據文苑英華，寅，天寶四載進士。權德輿華州司法碑，「清河尉寅之女。」全詩三函八冊，岑參有送殷寅充

淮南判官詩。

寅生亮給事中杭州刺史 華州司士碑，「故給事中杭州刺史亮，其兄也，今侍御史郴州刺史永，其弟也。」（貞元

九年作）永泰中，亮與顏真卿同次東林西林二寺，見魯公集六。寶應二年宣校書郎，見舊書一一四。

不任生莘唐東宮學士 通鑑一八六，武德元年，越王侗以陳杲仁爲司徒，殷莘爲左丞。莘有集三卷，見舊書四七。

融生浩師師生仲堪 按融，上文無所承，晉書八四，仲堪傳，祖融，父師，浩師爲兩人抑一人，頗難斷定，但此非咄咄書

空之殷浩，則可斷言，因浩爲羨子，非融子也。

堪元孫鈞 梁書二七，鈞傳稱晉太常融八世孫，依姓纂，則鈞爲融六世孫耳。

曾孫譙唐蜀文學 庫本，蜀下有王字，此奪。

二十二元

元

獻明帝生實壽鳩紇根翰力真闕婆 羅校云，「案獻明帝及實、壽鳩、紇根、翰、力真，並昭成皇帝子，此誤，」文當乙

「生」字於獻明上，補作「昭成帝生，」溫校謂獻明當作昭成，仍誤。又「實」卽獻明，應衍，否則當作實君。

常山王壽鳩生遵 丙寅稿，元侓誌跋，「碑陰記六世祖昭成皇帝，五世祖，弟八皇子諱受久，高祖，右丞相常山王遵，

……考魏書宗室傳，……壽鳩卽誌之受久，蓋譯音無定字，誌稱遵字勃兜，故元昭墓誌作曾祖兜。」按元昭誌稱

曾祖兜，使持節撫軍征南大將軍右丞相常山王。

遵生素達 魏書一五、常山王遵子素，羅氏宗室傳注二云，「元昭墓誌，祖連，常山康王，不作素，而官諡均合，確爲一人，魏人名字通用不別，殆素名而連字耶。」余按舊書一〇二、行沖傳，「後魏常山王素連之後也，」連、達形近，往往轉訛，（如梁書之區達，水經注等作區連，參看聖心二期拙著諸蕃志古城屬國考一九——二二頁。）素達卽素連之訛，實一名，非名字合，庫本固作連也，後閱丙寅稿，知羅氏已取消其前說。元侔誌，曾祖、侍中使持節征西大將軍都督河西諸軍事常山康王諱素連，又元昭誌，祖連，使持節侍中征西大將軍都督河西諸軍事內都坐大官羽真統萬突鎮都大將軍常山王諱曰康。

素達生羽鄰，忠倍斤尉，敦菩薩淑。羅校引此條至菩薩止，不合，因淑亦素連之子也。魏書一五、素長子可悉陵，陵鄰音轉，可字與羽字相類，羽鄰卽可悉陵無疑，陪斤卽倍斤，惟倍斤弟忠，忠弟德爲異耳。

羽鄰曾孫文遙 北齊書三八、文遙傳，「魏昭成皇帝六世孫也，五世祖常山王遵，」按遵爲昭成孫，則文遙爲昭成七世孫，北齊書誤。

生行恭行恕 行恕、北齊書三八及北史五五作行如。

行恭隋主爵侍郎 周大象元年九月，行恭爲內史次大夫，見續僧傳一九、法藏傳。

行恕隋毛州司馬 溫校云，「毛當爲毫字之訛，」按隋有毛州，見拙著隋書牧守表，溫失考。

生知讓虞部郎中太府少卿 開耀元年，知讓充太府少卿，見陳伯玉集六。

讓生昭睦陳曉燮 開元中（初）有海州東海縣令元燮，見元龜六五八，以時驗之，殆卽此人，又欝林觀東巖壁紀

有「行東海縣令元暉字徽明」開元七年立金石補正五一疑卽此處之暉是也。寰宇記二二作隋開皇十五年東海縣令元暉當是唐開元之誤「十五」兩字亦疑餘參拙著貞石證史光大陞條。

陳尙書右丞右常侍 全文二六八武平一東門頌序稱前荊州長史尙書左丞元暉同書二五七蘇頌張良娣碑景龍二年尙書左丞元暉。

暉生寓忠寓忠生盛壽興 羽鄰一支敍至寓而止此後卽接敍忠之一支「忠寓」二字衍魏書及隋太僕卿元公誌可證溫校略同。

盛生懋左僕射北地王 依周書三八元偉傳順（野順）爲盛子下文復有野順一支則生懋之下應補「野順懋」三字。

公暉生大士唐吏部中書二侍郎 全文二〇四「元大士龍朔中官詳刑寺少卿」
大士生逃遼遼遜 廣記三六一引廣古今五行記永淳初同州司功元遜。

遜司門郎中 遜與于大猷相繼卒明堂縣令見寰宇記二五。
暉生敦義潮州刺史 高郢嘗薦前監察御史元敦義見元龜八九七。

全柔御史中丞黔中觀察兼御史大夫 河東集一二云「元全柔……入爲太子賓客」注云「建中二年九月自杭州刺史拜黔中觀察使貞元二年四月遷湖南觀察使」余按舊書一二建中元年四月「御史中丞元全柔爲

杭州刺史」南部新書癸「建中元年貶御史中丞元全柔二年貶中丞楊頊皆四月晦日」

曾孫虛受朗州刺史。按全柔仕貞元初，其曾孫虛受，在元和初必不能位至刺史，曾之上必奪去人名，否則此二句爲後人臆入，兩者之中，余究主前者近是也。

生野順，濮陽王野順生。野順，周書三八，隋書四〇，祇作順。羅校以野順生，雄之野順爲衍文，余謂生野順之生亦衍文，因此處着生字，究不知何人所生也。羅校又云，「案順，濮陽王上當有昭成皇帝曾孫六字，當據隋書元冑傳增。」此蓋因周、齊、隋書均作順，故以「生野」二字屬上。「曾孫虛受」讀，但以姓纂著作時代覈之，虛受之後，未必再有所敘，況素連一名，魏書祇稱素，墓誌祇稱連，則野順之野字，不能斷其必衍，猶世祖紀，王倍斤，王建傳止作王斤，靜帝紀，潘相樂，北齊書止作潘樂，魏書、陸昕之，比干碑陰止作陸昕也。若謂當補昭成皇帝曾孫六字，更屬非是，因順爲盛子，盛業見上文，則應於盛所生下補入，忽提昭成，豈非抹煞盛與野順之父子關係，又野順爲昭成六世孫，云是曾孫，亦誤，蓋羅氏一言而數失備也。溫校謂前順字上有闕文，亦未諦。

雄生冑，右衛大將軍朗陵公。羅校云，「案朗陵公，隋書元冑傳作武陵公。」余按下文冑子懷景亦封武陵公，則朗字誠誤也。冑傳又謂冑爲昭成六代孫，亦誤，當作八世。

冑生仁惠。說之集二〇，元仁惠石桂銘，稱仁惠爲昭（成）皇帝十世孫，蓋連本身計之，否者九世，正與前條余謂冑爲昭成八世孫相合。惠於總章二年卒涼州長史。

懷簡懷節懷景。說之集二〇，稱仁惠子懷貞，右司員外太子舍人，使懷簡三人，果爲仁惠弟者，則懷貞不應與諸父同名，再觀同卷，元懷景墓誌（原誤景懷），景爲仁惠季子，曾充太子通事舍人，則勞考二謂懷貞爲懷景初名，懷

簡上應補生字，均是也。懷景任左司員外，見郎官柱，但會要五八言永昌元年懷貞自洛州司戶參軍爲右司員外，與仁惠石柱之右司員外相同，豈懷景嘗兼歷兩司歟，抑集與會要均訛歟。

懷景尚書右丞武陵公 景誌云，「維開元十年正月己未，庶子武陵公河南元公薨於東京留守之內館。」又金石錄六有幽州刺史元懷景碑，開元二十八年立，依誌乃贈官也。懷景以工部尚書致仕，見元龜八九九廣記一七〇引定命錄，懷景以女妻張說。

生彥將 勞考三云，「案以會要及毗陵集證之，知卽彥沖之訛。」余按說之集二〇作彥仲，仲、沖形近而訛，勞說是也。（參下文。）

軍令 軍令誤，庫本作暉令，下文亦有暉令，可證，蓋涉上文之將，故誤暉作軍也。

暉令生子柔子求 全詩十二函二册，皎然有酬元主簿子球別贈，時代相當，應卽其人，唯求、球小異。

彥將給事中陳留太守採訪使 會要八二作彥沖。開元二十年爲給事中，二十三年官越州刺史，見元龜一二八。全文三〇九，孫逖制，稱朝議大夫使持節都督越州諸軍事守越州刺史元彥沖；開元二十四年時在越州都督任內，見宋僧傳一四，玄儼傳，唐太守題名記，「元彥沖，開元二十二年自襄州刺史授，二十六年，拜衛州刺史。」（會稽掇英。）

生子上子哲子長子長 按盛之一支，敍至子長止，子長二字重出，應刪。輿地碑目有撫州元子哲遺愛碑，大歷五年立，刺史顏真卿文。統譜二二，元子哲，崇仁令，哲字殆誤。千唐有開元二十六年（上泐）州參軍元子上妻鄭氏誌。

壽興公孫詮，公孫殆曾孫之訛，否則公字衍，余以世代核之，則前說近是，蓋盛之玄孫仁惠，仕於唐初，則壽興之玄孫禮臣仕於唐初，爲時代相當也。

生祐禮臣，元祐大業末爲隋太僕丞，見舊書五六沈法興傳。

禮臣汾州刺史，貞觀二十二年爲燕然副都護，見元龜九七三，卒贈涼州都督，諡壯，見會要七九。

懷節孫待聘，上文已著懷節孫煒，煒轉入壽興一支，今此處復出懷節孫云云，先後當有錯誤。金石錄八有鄭州司

馬元待聘碑，貞元二年立。

生琇戶部侍郎右丞，舊書一二，建中三年三月，自容管爲嶺南節度，興元元年九月，自嶺南節度爲戶侍，貞元二年

二月，改尚書左（右）丞，同年十二月，貶雷州司戶。（十二月下作右丞，故知二月下作左者殆誤。）廣州馮志一

七、德宗朝，「元秀，建中三年廣州刺史，據張府志修，」作秀訛。

生佑工部員外郎，元和六年，元祐爲工外，見會要三二，當卽其人。元氏長慶集四八，「朝散大夫守京兆尹上騎都

尉元佑，……聞爾佑以甲乙科爲校書郎，甚有名譽，一朝以先臣不幸爲黜而自晦其身者二十年，……可使持節

洋州刺史，」則作佑者是，先臣指琇言之。

壽興少子昂司徒樂平王，隋太僕卿元公墓誌稱，祖曷，父最，平津續記，「昂卽最字之訛，」金石續編三云，「壽興

卽曷，李延壽撰北史，避唐世祖諱，改曷爲景，故曰姓元名景，魏收書多亡闕，後人以北史補之，故仍唐諱，……城陽

進王樂平諱慎，史皆未及，」按壽興名曷，昂爲最訛，洪、陸二說良允，庫本原作最也。惟最入西魏始封樂平王，本非

襲忠之爵，亦非忠由城陽進王樂平，事見北史一五，陸氏已自引之，何又謂史皆未及耶。（今北史壽興傳末有缺文，謚慎許在缺文之內。）至羅氏宗室傳注二，引北史作洛平王，謂元槩本洛平作樂平，今竹簡齋本固正作樂平也。

生竄竄生文豪太僕少卿 余據毛氏金石存佚考所疑，以太僕少卿爲竄之歷官，說見拙著隋書牧守編年表，但平津續記已先毛氏疑之。

思哲舒州刺史 集古錄目有元府君德政碑云，「府君名思哲，字知人，河南洛陽人，以絳州夏縣令卒于官，縣人：爲立碑以頌德，以調露二年立，在夏縣。」按竄生隋末，其孫仕唐高宗時代正合，應卽此人，但錄謂卒夏縣令而此云舒州刺史，豈思哲曾左降而集古錄失記歟。又金石錄四，任成令元明府清德頌，八分書，無書撰人姓名，調露二年十二月立，黃本驥云，「元明府名思哲。」按此碑與集古錄所著錄者，同是無書撰人姓名，同是元姓縣令，同以調露二年立，黃氏謂是思哲，度卽因此，但夏縣當高宗時屬絳州，正與地志相符，而唐無任成，祇有任城，係隸兗州，是否趙錄誤記，尙無明據，似未能斷是思哲也。山西通志九一，訛思爲司。

倍斤生昭 昭見魏書一五，子山集一六，元氏誌，「祖某，京兆康王，父昭，驃騎大將軍開府儀同三司錄尙書司州牧汝陽郡王。」乃名姓相同者，京兆康王卽景穆之子子推，今魏書一九上不著此元昭名。松翁近藁，魏尙書左僕射冀州刺史元昭誌，昭爲使持節征西大將軍定州刺史常山簡王之子，卽倍斤也。

昭生元綱元曾孫筮……綱生經 據魏書一五，昭子玄，非姓元又名元也，此兩元字，庫本亦不作玄。羅校云，「案綱、

隋書元弘嗣傳作剛。」

生仁人觀觀 羅云、「按弘嗣傳、子仁觀，此衍人觀二字，當刪。」

弘嗣姪孫希古都官員外 密州刺史元希古誌，開元五年立，見蒿里遺文目錄續編，誌言希古卒開元四年，不詳年壽，又一曾祖麟，宇文朝驃騎將軍使持節延州刺史谷陽縣開國公，祖大保，皇朝滑州衛南、貝州經城二縣令，父正則，皇朝蘇州錄事參軍、安南都護府南定縣令，麟是否綱子，待考。

孫祥生子端子建子端生善慶師獎善慶孫慈不仕生行沖 按此「孫祥」斷非上接「弘嗣姪孫希古」或弘嗣而言，否則弘嗣仕隋，姪孫希古卒開元四年，而行沖始仕在武后之世，倘上承希古或弘嗣，則應爲其七世孫，以生殖之理觀之，可決其不然也。孫祥究何所承，余有兩解：（一）祥爲倍斤之孫，（二）祥爲尉之孫，尉亦素連之子，見前文，恰居倍斤、貨敦之間。此兩解孰當，抑或再有別解，存以待質。子端與下文太武帝後者同姓名，又師獎與下文成帝後者同姓名。

兵部郎中國子祭酒左常侍中山獻公 元行沖賓客爲太常少卿，見廣記二〇三引國史纂異。

貨敦元孫德整 中州遺文、元溫誌，「十二代祖後魏昭成皇帝，大丞相常山王遵之後也，高祖顏子，西安郡王尙書令，曾祖雅，金紫光祿大夫魏郡太守浮陽郡開國公，」以誌下文勘之，雅卽姓纂之德整也，依姓纂連本身計，昭成爲溫之十二世祖。

寶藏魏州總管武陽公 溫誌云，「祖寶藏，唐銀青光祿大夫魏州諸軍事魏州刺史河北道行軍大總管武陽郡開

國公食邑二千戶。」隋書四、大業十三年九月，武陽郡丞元寶藏以郡叛歸李密。元龜一六四、元寶藏據魏郡，行人魏徵說下之，寶藏執楊恭仁送京，據同書一二六、寶藏係武德二年正月降。

生神齊青州刺史 溫誌云，「父神齊，唐朝請大夫潞州司馬襲封武陽郡公。」

澄遂州刺史 華嶽題名，大歷八年有虞部員外兼殿中侍御史元澄，平津記七謂卽此人。新突厥傳，開元八年有涼州都督屬官元澄，恐非此。昌黎集二、合江亭詩注云，「前（衡州）刺史元澄無政，廉使中丞楊公憑奏黜之。」

湛生誼饒州刺史 舊紀一二、貞元十一年七月，權知洛州，十二年正月，元誼、李文通率洛州兵五千、民五萬家東奔田緒；又貞元時，官邢州刺史，見新書三九。元龜一六五、貞元十（？）年七月，昭義行軍司馬元誼據維州謀亂，誼弟諒時爲兵外，帝遣諒以書諭之，蓋由洛訛洛，復由洛而訛轉爲維也，元龜一七七誤同。全文四四五、王行先爲王大夫奏表云，「洛（洛）州元誼等防秋將士，以今日盡發上道訖。」又四八四、權德輿賀表，「元誼、李文通等蒙恩宥過，以今日七日將領將士出洛州城者。」同書六二〇、崔行先爲王大夫謝中使招撫狀，亦說誼事，案全文稱王行先、肅宗時人，與元誼不同時，爲王大夫奏表應是崔行先之作，而誤編王行先者。

誼生申右武衛將軍申生諸兵部員外諸生從質質生谷 從質於元和十三年爲集賢校理，見會要三九，其不能爲誼之曾孫，可由上文澄、誼等校記知之，故余斷此數句中必有誤字，其誤之所在，或爲「申生諸」一句，蓋諸、誼均從言旁，或卽從昆，由是而推，「申生」許爲「澄生」之訛也，惜文史無據，姑懸以俟考。

菩薩趙郡王孫裕生武榮武幹武榮唐汾州刺史……武幹生大簡陝州長史女爲讓帝妃贈少師 孫裕之孫，如不

作裔孫解，則武榮爲菩薩曾孫，應與獻文帝同輩，但考萬年宮銘，永徽五年立，題名中有前汾州刺史柱國靳春縣開國伯臣元武榮，其年代亦相距太遠，故孫裕之孫，應作裔孫解，溫校謂孫上下必有闕文。

振六代孫光嫌考功郎中給事中 嫌，庫本作謙，今郎官石柱未見，惟精舍碑有元光謙，勞御考二疑嫌爲謙誤，是也。紇根生虔陳留王 丙寅稿、元弼誌，曾祖根，清河桓王，根卽紇根。

生琛永壽 永壽、北齊書四一祇作永。陶齋藏石記一三、武平五年張思伯造浮圖記云，「潁州刺史元永用爲州兼主簿，」亦祇作永。

生善應司賓卿同州刺史 全文七八五、穆員元盛誌，魏昭成帝之十二代孫，皇朝金紫光祿大夫司膳卿汝陽公善應之曾孫，集州司馬崇敏之孫，處士履清之季子，「盛卒貞元十一年，年五十五。」

翰秦王生儀觚 丙寅稿、元平誌跋，「平字平國，照成皇帝之後，驃騎大將軍左丞相衛王渥之孫，……考昭成子孫無衛王渥，惟秦明王翰子儀，於太祖時官左丞相，進封衛王，則渥卽儀也，……渥卽泥別字。」

力眞生意烈勃 勃、新表七五下作意勁，魏書作意勃。

意烈生伏千廣川王 羅校云，「案魏書昭成子孫傳作拔干，」按拔、伏音近，鮮卑譯語，往往字無定寫也。唯魏書一五祇言賜爵武遂子，不言進王，疑有誤。

勃元孫植生巖成 羅校云，「按植、隋書元巖傳及唐世系表作禎。」

生琳琳生義恭義端 新表七五作巖生琳、弘，琳生義恭、弘生義端；按巖卒、子弘嗣，亦見隋書六二巖本傳，英華辨證

三云、「崔湜、元希聲碑。」按卽說之集二五元希聲碑銘。曾大父弘，大父恭，皇考孝節，世系表以弘爲琳之兄，琳生義恭，義恭生孝節。新表實以弘爲琳弟，辨證「兄」字乃涉筆之訛。又白氏集六一元稹誌，「五代祖弘，隋北平太守，高祖義端，魏州刺史。」簡言之，依張、白兩家文集，則義恭、義端皆弘子，依姓纂今文，則義恭、義端皆琳子，依新表則義恭、琳子，義端、弘子，三說不同，頗疑姓纂之文，應作「生弘，弘生義恭、義端。」但尙未有以證其必然也。義恭生孝節，工部員外黃州刺史。孝節、黃州刺史，見說之集二五。

通理給事中 希聲兄，見說之集二五。叢編三、豫州刺史狄梁公碑，元通禮撰，殆卽其人。

生從備，右司員外郎壽州刺史從修，生至河南少尹。庫本從備從修均作從脩，是從脩爲一人，新表則云從、右司員外郎，脩、河南少尹，脩後無人，是從、脩爲二人，余按李文公集一五、李則慕誌云，「夫人河南元氏，壽州刺史從之女。」是新表作二人者，生從備之備，應正作修，而「從修生至」之從字，應乙於右司員外郎之上，勞御考三祇謂備字衍，非也。會要七六有元修，元和元年制科及第，時代不同，偶同名耳。溫校云，「案從備依下文作從修，備形近致訛，唐表以從修分作二人，而以從修子至河南少尹之官爲修官，疑唐表誤，從修未官壽州刺史，涉下聲子寄官衍。」則未知從官壽刺，固別有明文，新表略去耳。惟河南少尹是修官，抑修子至（表不著）之官，尙待考定。

希聲中書舍人吏部侍郎 聖歷二年爲京兆士曹（會要七五）大足元年與修三教珠英（同上三六）又說之集二五、故吏部侍郎元公碑銘，以世系考之，卽希聲也，碑稱十三代祖魏昭成帝，勸諸姓纂，連本身亦祇十二世耳，希聲、景龍三年卒。又聖歷中，侍郎鄭杲注元希聲京兆府士曹參軍，亦見廣記一六九引談賓錄。

義端魏州刺史 見前引元稹誌。

生延壽延福延景延祚 元稹誌，「曾祖延景，岐州參軍。」

延壽陸州刺史 嚴州圖經一，「元延壽，通天二年正月十五日，自徐州刺史拜。」

偉三原尉 新表作平原尉。江州集五有酬元偉詩，全詩五函三册。李端有薦福寺送元偉。

延景生俳南頓丞 元氏長慶集五九，告祀曾祖文，稱岐州參軍府君，卽延景也；又告贈皇祖文，稱陳州南頓縣丞贈

尚書兵部員外郎府君，卽俳也。白氏集六一一作俳，羅校云，「案俳，舊唐書元稹傳及唐表作俳。」

寬比部郎中 元氏集五七，元稹誌，「後五代而生我比部郎中舒王府長史府君諱某，」卽寬也，其仕歷又見同集

五八元氏誌、白氏集二五鄭氏誌及六一元稹誌。

生拒積監察御史 拒是稬誤，積是稬誤，已見羅校，舊籍稬字往往改右旁眞爲貞，如劉積之積，是也，今元氏集五八

第二頁下三行及五行均然。稬字玄度，官終侍御史內供奉、鹽鐵轉運河陰留後，元和十四年卒，年六十七，有子四

人，曰易簡、從簡、行簡、弘簡，見稬誌。姓纂修時，稬已貶江陵戶曹，此書監察御史者，舉其前任京職也，溫校謂監字上

當複一稬字。稬母鄭氏誌，「夫人有四子、二女，長曰沂，蔡州汝陽尉，次曰拒（稬），京兆府萬年縣尉，次曰積，同州

韋（韓？）城尉，次曰稬，河南縣尉。」廣記三九四引劇談錄，元積鎮江夏卒，積乃稬之訛。又舊書一六六，稬本傳，

謂稬爲昭成帝十代孫，大誤，以此書及新表計之，應是昭成帝十三代孫。

胥侍御史 新表作胥，見羅校。稬誌云，「先府君□養之歲，前累月而季父侍御史府君捐館。」